

ЎЗБЕК ТИЛИДА ПОЛИСЕМИК ҚЎШМА ГАПЛАР ТАДҚИҚИ

*Айтбаев Дилшодхўжа Темирбаевич,
Филология фанлари номзоди, доцент. Тошкент давлат педагогика университети
Тошкент, Ўзбекистон*

**ИЗУЧЕНИЕ ПОЛИСЕМИЧЕСКИХ СЛОЖНЫХ ПРЕДЛОЖЕНИЙ
УЗБЕКСКОМ ЯЗЫКЕ****B**

*Айтбаев Дилшодхўжа Темирбаевич,
Кандидат филологических наук, доцент. Ташкентский государственный
педагогический университет Ташкент, Узбекистан*

**STUDY OF POLYSEMIC COMPOUND SENTENCES IN THE UZBEKI
LANGUAGE**

*Aytbaev Dilshodhuja Temirbaevich,
Candidate of philological sciences, associate professor, Tashkent State Pedagogical
University Tashkent, Uzbekistan*

Аннотация. Мазкур мақолада ўзбек тилишунослигида қўшма гаплар шакли ва мазмуни ўртасида асимметрияни вужудга келтирувчи омиллардан бири полисемия эканлиги ва полисемия қўшма гаплар модели семантикасига хос бўлиб, унинг ҳар бир семаси дискурс таркибида реал жумлалар семантикаси орқали воқеланиши ҳақида илмий қарашлар ўрин олган.

Аннотация

В данной статье приведены научные мнения о том, что полисемия является одним из факторов, создающих асимметрию между формой и содержанием сложносочиненных предложений в узбекском языкознании, и что полисемия свойственна семантике сложносочиненных предложений, и каждый ее символ реализуется в структура дискурса через семантику реальных предложений.

Abstract

In this article, there are scientific opinions that polysemy is one of the factors that creates asymmetry between the form and content of compound sentences in Uzbek linguistics, and that polysemy is characteristic of the semantics of compound sentences, and each of its symbols is realized in the structure of discourse through the semantics of real sentences.

Калит сузлар: полисемия, синтактик полисемия, грамматик сатҳ, полисемия парадигмаси, номема, семема, пропозиция, синтактик конструкциялар, синтактик сатҳ, синтаксема, эргаши гапли қўшма гап конструкцияси, полисемик структура, синтактик омонимия, синтактик полисемия, гаплар модели, қўшма гаплар модели, полисемик қўшма гаплар.

Ключевые слова, полисемия, синтаксическая полисемия, грамматический уровень, парадигма полисемии, номема, семема, пропозиция, синтаксические конструкции, синтаксический уровень, синтаксема, конструкция сложносочиненного предложения, многозначная структура, синтаксическая омонимия, синтаксическая полисемия, модель предложения, модель сложносочиненного предложения, многозначные предложения.

Key words: polysemy, syntactic polysemy, grammatical level, polysemy paradigm, nomeme, sememe, proposition, syntactic constructions, syntactic level, syntaxeme, compound sentence construction, polysemous structure, syntactic homonymy, syntactic polysemy, sentence model, compound sentence model, polysemous clauses .

Лингвистикада омонимия, синонимия, антонимия, полисемия сингари ҳодисалар дастлаб лексик сатҳда ўрганилгани туфайли улар узоқ вақт шу сатҳ бирликлари учунгина хос хусусият сифатида қараб келинди. Шу билан бирга полисемия ҳам худди омонимия каби, фақат лексик сатҳгагина эмас, балки тилнинг барча сатҳларига дахлдор бўлган универсал ҳодиса ҳисобланади.

Тил сатҳлари ўртасида изоморфик қонуниятни очилгандан сўнг, турли сатҳ бирликлари ўртасидаги ўхшашликни белгилаш ва ана шу ўхшашлик асосида мураккаброқ бирликларнинг унча мураккаб бўлмаган бирликларга қиёсан моҳиятини аниқлаш аънанаси пайдо бўлди. Натижада омонимия, синонимия каби ҳодисалар морфемик ва синтактик сатҳ учун ҳам хос эканлиги аниқланди.

Ўзбек тилишунослигида омонимия, полисемия ва полифункционаллик ҳодисалари синтактик сатҳ доирасида 90-йилларгача ўрганилмаган. Бу ҳодисаларни синтактик бирликлар мисолида биринчи бор А.Бердиалиев тадқиқ этди [1, 100]. У эргаши гапли қўшма гапларни парадигматик аспектда ўрганар экан, табиий равишда қўшма

гаплар парадигмасини ҳосил қилувчи қўшма гаплар омонимияси, полисемияси, полифункционаллиги каби ҳодисаларга дуч келди.

Мазкур муаммолар ўзбек тилшунослигида синтактик сатҳ доирасида ўрганилмаганлиги сабабли, муаллиф мазкур масалаларнинг моҳиятини ёритишга, уларнинг бир-бирига ўхшаш ва фарқли жиҳатларини ёритишга ҳаракат қилди.

А.Бердиалиев рус тилшунослари Г.А.Золотова ва Д.А.Салькованинг синтактик полисемия моҳиятини белгилаш методологиясига [2,137; 6] суянган ҳолда, эргашган қўшма гаплар полисемиясини аниқлайди. Шунинг учун у: “Бир синтактик конструкциянинг турлича синтагматик планларда ҳар хил семантик-сигнификатив маъноли қўшма гаплар ҳосил қилишини қўшма гаплар синтактик полисемияси” деб қарайди [1, 49].

Муаллиф, худди профессор Ш.Раҳматуллаев лексик полисемия билан лексик омонимияни фарқлашда лексема семемасининг семалар тузилишга асосланиши лозимлигин кўрсатганидек, эргаш гапли қўшма гаплар полисе-миясини тайинлашда синтактик бирлашмаларнинг семантик структурасига таянади. Шунинг учун синтактик полисемияга синтаксема, синтаксема каби ҳодисаларни ўз ичига олувчи махсус система сифатида қарайди. Унинг фикрича, синтаксема элементар синтактик-семантик бирлик бўлиб, полисе-мия парадигмасида унинг аъзоларидан бири сифатида иш кўради. Синтак-семада объектив борлиқнинг маълум бир фақти ифодаланadi (предмет ва унинг белгиси, ҳаракат ва унинг белги-хусусияти ва бошқ.), улар ўзаро синтактик алоқаси грамматик жиҳатдан ифодаланган бошқа қасмларга бўлинмайди [1, 49].

Олимнинг юқорида баён қилган фикрларидан кўриниб турибдики, синтаксема атамаси остида иккита ҳодисани тушунади. Биринчидан, синтактик бирликлар мазмуний тузилишдаги энг кичик бошқа майда бирликларга бўлинмайдиган бирлик, синтаксеманинг узвий бир қисми. Бунда синтаксема-ма синтактик бирлик орқали ифодаланган синтактик мазмун. У гўёки лексема семемаси. Синтаксема бундай вақтда икки ва ундан ортиқ семалар муносабатидан ташкил топган бутунлик ҳисобланади. Демак, синтаксема полисемик тузилишга, яъни семемалардан ташкил топгади.

Иккинчи томондан, синтаксема “форма ва мазмун планларига эга бўлган конфигурацион бутунлик” дейилиши билан у фақат мазмуний тузилиш бирлиги эмас, балки мазмун ва шакл бирлигидан ташкил топган элементар синтактик бутунлик сифатида тушунилади. Лексик сатҳда лексемани шакл ва мазмун бирлигидан ташкил топган бутунлик сифатида эътироф этилиб, унинг шаклий томони учун номема, мазмун томони учун семема атамалари қўлланилади [4, 272] ва лексема бутунлик сифатида номема ва семемалар муносабатидан ташкил топиши баён қилинади.

Агар лексик бирликларнинг ана шундай ички тузилиши хусусияти синтактик бирликларга нисбатан олиб ўтилса, у вақтда синтактик бирлик ҳам ташки ва ички структуралар муносабатидан ташкил топади. Синтактик бирликлар объектив борлиқдаги нимани ифодалашига кўра максимал ва минимал бирликларга бўлинади.

Объектив борлиқдаги муайян вазиятни, воқеликни, яъни пропозицияни ифодалаган синтактик конструкциялар максимал вазият, воқелик, яъни пропозиция узвларини ифодалаган ва гап шаклидаги синтактик конструкцияларнинг бир бўлаги бўлиб келган бирлик минимал бирликлар саналади.

А.Бердиалиев синтаксема тушунчаси остида икки хил ҳодисани аралаш-тириб юборганидан, гоҳ уни мазмуний структура узви, гоҳ шаклий структура узви сифатида талқин қилади. Хусусан, у бу ҳақида қуйидагиларни ёзади: “Элементар синтактик бирлик – синтаксемалар синтактик системанинг содда ва қўшма гаплар сатҳига хос синтаксемалардан фарқ қилади. Содда гаплар сатҳига хос синтаксемалар гап бўлаги характерида бўлади. Уларнинг синтагматик муносабатидан ё гапнинг грамматик асоси ҳосил бўлади, ё гапнинг грамматик асоси грамматик ва семантик жиҳатдан кенгайди. Уларнинг функцияси гап қурилишининг ана шундай ҳолатларидан бирига кўра аниқланади. Қўшма гап, хусусан, эргаш гапли қўшма гаплар сатҳининг синтаксемалари предикатив бирлик характеристикасига эга бўлган микро-конструкциялардир. Уларнинг қўшма гап умумий ядросига бўлган муносаба-тида синтагматик талабнинг таъсири кучли бўлади...” [1, 50].

Кўриниб турибдики, бу ўринда муаллиф синтаксемани шаклий-семантик-функционал бутунлик сифатида талқин қилади.

Ҳозирда синтаксема тушунчаси синтаксема тушунчасига зидланади. Муаллиф синтаксема тушунчаси синтаксема тушунчасидан фарқ қилишини, синтаксема бирдан ортиқ семантик-сигнификатив планларга эга бўлган синтактик конструкция ва уларнинг моделлари эканини баён қилади. Унинг фикрича, синтаксема атиги бир семантик-сигнификатив планга эга бўлган конструкциядир” [1, 51].

Айни пайтда синтаксема ёки унинг конкрет семаси деб синтактик конструкция ҳосил қилувчи моделларнинг категориал маъноларидан ажралиб чиқувчи энг кичик, бўлинмас “компонент”, “элемент” саналиши айтилади. Синтаксема ва унинг конкрет семаси дейилиши билан сема синтаксеманинг бир қисми маъноси англашиладики, бу билан муаллиф синтаксемема, синтаксема, сема атамаларининг аниқ мақомини хиралаштиргандек кўринади.

Илмий адабиётларда худди фонологик сатҳ бирлиги фонема, морфемик сатҳ бирлиги морфема, лексик сатҳ бирлиги лексема деб номлангани каби, синтактик сатҳ бирлиги синтаксема деб қараладиган ҳолатлар учрайди [4, 240]. Бундай вақтда синтаксема синтактик сатҳнинг энг кичик бирлиги маъносида тушунилади.

Тилшунос А.Бердиалиев “Ўзбек тили эргаш гапли қўшма гапларининг конструкциялари полисемияга жуда бой”лигини, “унинг системасидаги кўпгина синтаксемемалар ва уларнинг моделлари кўп маъноли” эканини таъкидлайди.

Ўзбек тилшунослигида синтактик полисемия муаммоси Г.З.Розиқова томонидан монографик планда тадқиқ этилди [5]. Олиманинг диққати қўшма гаплар полисемияси баҳсида кўпроқ боғланган қўшма гаплар полисемиясига қаратилади.

Г.З.Розиқова тўғри таъкидлаганидек, синтактик полисемия ва синтактик омонимия ўзаро ўхшаш, шунингдек, фарқли белгиларга ҳам эга бўлган икки ҳодисадир. Уларнинг тилда мавжуд бўлиши ва амал қилиши шакл ва мазмун номутаносиблигини келтириб чиқаради.

Унинг фикрича, синтактик полисемия – бу маънолари ўзаро боғлиқ ва бири иккинчисини тақозо этувчи, бир инвариант маъно доирасида туташувчи ўзига хос лисоний ҳодисадир. Шаклан ўхшаш синтаксемалар бирор бир маъно доирасида ўзаро туташмаса, улар ҳар хил инвариант маъноларга эга бўлса, омонимия ҳодисасининг юзага чиқиши учун шарт-шароит яратилади [5, 21].

Шундай қилиб, қўшма гаплар шакли ва мазмуни ўртасида асимметрияни вужудга келтирувчи омиллардан бири полисемия саналади. Полисемия қўшма гаплар модели семантикасига хос бўлиб, унинг ҳар бир семаси дискурс таркибида реал жумлалар семантикаси орқали воқеланади.

Полисемия фақат лексик сатҳ учун хос бўлмасдан, тилнинг бошқа маъноли сатҳ бирликлари учун ҳам ҳосидир.

Қўшма гаплар полисемияси қўшма гапларнинг барча турларида учрайди ва бундай гапларда шакл ва мазмун асимметрияси мавжуд бўлади. Бир шакл остида икки ва ундан ортик семалар ифодаланади.

Полисемик қўшма гаплар ҳар бир семага хосланган грамматик шаклларни кўшиш орқали трансформация қилинганда, полисемикликдан моносемик тузилишга ўтади ва натижада қўшма гаплар шакл ва мазмун тузилиши ўртасида симметрик муносабат вужудга келади.

Фойдаланилган адабиётлар:

1. Aytbayev D.T. Relationship of Discourse and Text. India . International Journal of Trend in Scientific Research and Development (IJTSRD). Volume 6 Issue 1, November-December 2021 pp.1393-1396.
2. Айтбаев Д.Т. Асимметрия формы и содержания на разных уровнях узбекского языка. Муғаллим ҳам ўзликсиз билимлендирий. Нукус. № 1. 2021 йил, -79 б.
3. Бердиалиев А. Эргаш гапли қўшма гап конструкцияларида семантик-сигнификатив парадигматика. – Тошкент: Фан, 1989. –100 б
4. Золотова Г.А. Очерк функционального синтактика русского языка. –М.: Наука, 1973, – с.137.
5. Мухин А.М. Синтаксический анализ предложения. –М.: АН СССР, 1983. –240 с.
6. Новиков Л. А. Семантика русского языка. –М.: Высшая школа, 1982. –272 с.
7. Розиқова Г.З. Ўзбек тилида синтактик полисемия. НДА, Тошкент, 1999.
8. Салькова Д.А. Некоторые вопросы омонимии и многозначности синтаксических конструкций// АКД. – М., 1967.